

現明  
狀季  
之  
怪


明季之怪  
現狀  
惟父署

光緒三十二年

五月三十日  
印刷發行

明季之怪現狀

定價大洋二角



發行者 振學社

印刷所 作新社印刷局

發行所 振學社

代售所 樂羣書局

# 明季之怪現狀

緣起

蘇東坡有艾語鐵橋子有海語艾語以諧爲才大而無所用海語以誇爲志蓄而未有抒余則兩無也對語非客謝擗管何以消磨此永晝傾觴盡醴罷憶往奚以開塞吾間腸一日而幾事來懷則書之一事而情緒各別則分書之感舊而天人弗載則書之觸境而今昔殊觀則又分書之著惡可以懲戒將來則痛哭以書之宣美可以鼓掖後進則拜颺以書之書之而有疑於中也則闕之書之而有違於時也則再闕之書之而爲札闔宏廕之辭也則闕之書之而爲驅車鼠穴之說也則更闕之闕之又書之書之遂成帙耳聽蟲聲唧唧不覺夏去入秋束之以懸肘後客有健談者我則臥而聽之客有詈我不談者我則以此帙贈之而已雖然非不言言皆實畢竟事事歸空當年情境雷霆閃爍禍福利那古人有言而今安在哉過牆粉蝶委地飛花矣宜以八世空談顏之

花村看行侍者題於月上半楹窓

# 上海樂羣書局特約販賣各書廣告

最新  
註釋筆算數學全草

一元二角

最新  
國文典問答

特製一元  
並製七角

迷信  
小說當

頭

棒

四角

最新  
小說蘇州新年

五角五分

社會  
小說學生現形記

三角五分

社會  
小說斯文變相

四角五分

最新  
速成數學講義

一元四角

最新  
速成數學講義演草

八角

本局編輯各種教科書另有詳細書目

並發兌各種書籍圖書儀器文具等件

# 明季之怪現狀目次

## 上篇

|      |      |
|------|------|
| 兩讞翻案 | 好奇滋弊 |
| 兩朔無臣 | 公座爭軋 |
| 地壇社祭 | 改元宜慎 |
| 門額兆讖 | 孟夏護日 |
| 票擬部復 | 風雷疫癘 |
| 福祿豪飲 | 江夏三異 |
| 搗錢造鈔 | 韓城賜死 |
| 烏程壓錢 | 飛黃始末 |
| 魁楚厚橐 | 黑頭爰立 |
| 心葵嚙語 | 西洋來賓 |

明季之怪現狀 目次

甘夢梟首 項周惡遇

燈廟二市

# 明季之怪現狀上篇

## 兩讞翻案

崇禎帝踐祚壬午以後兇惡警報司禮內閣皆不敢盡傳帝亦寅氣疾羣滿目奸貪盡人攜貳曾見兩次延讞俱以怒恨悲泣傾翻黼座揮淚回宮述之真堪浩嘆十六年六月初一日宜興周相國歸里西臺蔣拱宸疏糾文選吳昌時同內閣周延儒朋黨爲奸七月二十五日帝御文華殿親鞫情事宜取東廠錦衣衛全套刑具前延儒視師通州題請隨身各官兵科方士亮兵部尹民興皆與審名皆疏中所及也昌時受刑銅夾折脛通賄招權二承認當見氣絕方止刑乃呼延儒門客布衣董廷獻怒聲下詢周延儒在閣日得銀起用爲幾人爲何人曰不記也時御几有縉紳一簿自上擲下則福寧道施元徵一葉向上遂指奏曰福寧道施元徵是也時遂緹騎南下昌時醒回亦憾拱宸曰羅山大敗皇上發銀三千往邊口收贖難民難婦兵部又差護救官兵二千名後兵銀俱無隻影爾固隨征亦仍以飛報大捷奏非欺君而何拱宸曰羅山敗北初交兵時



固有失銀等事後各將用命仍復大捷帝爲震怒恨聲高喝曰那有敗而再捷之理喊聲打司刑璫寺將拱宸當頭一擊官帽破裂拱宸亦悶絕伏地時帝憤恨氣塞拍案嘆噫推翻御案迅爾回宮跪審諸臣罪案未定錦衣堂官慮即覆審悉登名繫獄至十二月初七日五更昌時棄市延儒賜縊董廷獻與方士亮尹民興併後逮進施元徵羈獄候命流賊破城後各逃出又本年九月鳳督馬士英奏解士堡鄉勇劉鞭子擒獲李闖所選起任僞官八人士英時留活口解京獻俘帝欲親訊賊中情事於中左門臨御讞決先問何府何縣人氏對以湖廣荊州府人居多帝曰荊州不破何皆從賊內萬姓者吭聲上言曰荊州城池舊年十二月失陷今皆爲賊巢帝驚訝急問曰惠王安在王係叔時屢在念者復應曰先已走出今不知何往蓋張獻忠獻襄王于襄陽楊嗣昌服金自盡此十六年二月事荊州城中有極富宗室爲扶本王者倡言獻賊必來荊州必不能守不如早出以全性命先潛逃撫臣王永祚懲嗣昌之死以其事啓惠王王亦即日出城避入深山中人恐爲王故賊兵搜入迫之他往乃登舟挽泊江濱有舊臺中喻上獄率荊州士民復驅之南流下江帝大駭頓足掩淚哭失聲推翻案桌而進竟忘爲獻俘事矣行刑各執事以不得旨而散賊官八人仍繫獄後警報日甚大司寇不復題請明年三月十九日城破獄釋八賊官去見李闖訴言前因自成曰崇禎帝爾等之大恩人也今梓宮在東牆快去哭臨復

令兵押赴有不拜哭者囑咐殺之內有一辛酉舉人姓鄧哭之極哀賞焉

登帝廷接聖語皆大吉慶事而乃施之刑割就戮之人犯顛倒極矣

### 好奇滋弊

癸未十六年十一月二十六日崇禎帝于大雪中御皇極門朝儀已畢聖駕不興異之乃召吏兵二部堂上官宣諭曰文選職方文武用人之地今文選用沈自彰職方用張法孔兩尙書承旨聖駕方旋宮不知沈張何如人也亟查履歷沈爲辛丑進士字方揚戊辰年以閒卿致仕本京人猶在二十七日見朝二十八日漴任焉張爲庚戌進士字九劬丁丑年以四川左藩拾遺者雲南人存亡未卜方郎現有王永積竟不爲永積地另銓一人矣十二月初七日召對兵部堂司官爲司禮秉筆王之俊弟之仁欲得浙江總兵大小司馬已延俟一年之俊促聖駕臨中左門成其事也傳下喚職方司郎中時御几上已粘張法孔名字不顧雲南遠在萬里王永積承旨跪上問曰浙江廣東兩省總兵爲何許久不推永積震恐惶悚操吳音對曰無功夫聖上復曰浙廣兩地雖係腹裡總兵原一日不可少着即推上來又復言曰着即日就推如是便退無甚過責時爲

上午至申刻忽接嚴諭下部會推總兵爾兵部要緊事何云無功夫且無功夫二字是何言語着回話此王之俊又恐兵部將之仁事閣置聖上大爲所朦朧即此上諭未知曾經御覽否王永積無奈當晚三更同堂司官科道幾人會推具題浙正則列王之仁廣正則孫某陪爲宋駟聊舉職級近似不知其爲誰品者停內六日浙點正推廣點陪推焉雖示不測聖上罔覺其中之故也宋係鳳陽帶銜副總一文不破天降粵鎮亦夢想所不及者矣至沈張特用之由方岳貢初大拜進閣面聖以小摺開天下清官三十人沈張承首故有二十六日之面諭又楚人言此沈張兩位一爲方禹修父諸生之恩主一爲禹修自爲諸生時之恩主原非無爲而發

庚辰科廷試放榜後召對二甲進士觀相貌質辯欽定四衙門卽日到任

簡討

原部屬  
改四人

姚宗衡葛世振孫一脉劉瑄

原知州  
改二人

趙玉森嚴似祖

六科

原部屬  
改三人

宣國柱黃雲師胡周鼎

原知州  
改一人

周正儒十三道

原部屬  
改四人

馮垣登陳羽白魏

景琦陳純德

原知州  
改一人

吳邦臣

吏部

原部屬  
改二人

驗封司董國祥稽勳司顏渾



兵部原部屬改七人

武選司葛奇祥職方司張朝紘蔡紘明田有年武庫司盧若騰錢志騶

陳繹原知州改一人

呂陽

兩朔無臣

廷臣待漏待天子也仍恐天子早臨先天子而待漏也待漏之時鼓未嚴鼓嚴而班肅矣班肅而鐘鳴鐘歇而聖駕登殿靜鞭响矣鞭响之刻兩班文武有容無息有氣無聲仰瞻殿陛祇見千百紅袍掀袖傳令耳聽鴻臚聲喚心驚科道糾喝而已惟癸未年正月之朔聖駕升殿文班止一首揆武班止一勳臣首揆面奏諸臣以坐門勞苦起稍遲又爲鳴鐘舊例鐘鳴東西長安門俱閉今朝臣自皆擁積在外因傳諭啟門到者仍寥寥鴻臚未可唱齊班久之來者喘急神驚作倉遽奔走狀十少四五勉成禮焉首揆上揭云政本怠弛以致羣臣慢慢乞奪俸自臣等始得旨姑免甲申年正月朔聖駕更早止一大金吾立班時鐘聲已絕金吾啟奏朝臣不聞鐘鼓聲以爲聖駕未出來者益遲今再鳴鐘遠近聞之自皆疾趨乃諭鳴鐘扣且不歇門永不閉又久之卒無至者乃欲先謁太廟然後受朝呼駕變輿時久一無所備駕輿馬與立仗馬約用幾百忙取長安

門外朝臣坐來之馬悉爲驅入端門備駕鑾輿將登輦矣司禮又恐外入之馬不馴有  
嚙蹄之恐奏止之再傳諭朝賀後拜廟仍陞座以候文武官從東西長安門入者竟不  
得過中門以天顏正視也文則直入武班從螭頭下偃僂而入東班武亦直入文班從  
螭頭下蹲俯而入西班以文寓多西城武居俱東城之故有新科榜眼宋之繩其武之  
父名劼召對稱旨寵任職方贊畫品最高偉爲龜行而過東班成禮後聖駕入廟六品  
以下不應陪祭者馬以掠入率皆攜手步歸不祥極矣不滿百日此座已讓自成鳴鐘  
伐鼓改國改年兩班文武仍是擁簇不去今日之晨星視他日之彈冠爲懶爲勤爲玩  
爲愼皆一人爲之也何二心若是故詩曰毋貳爾心朝綱廢弛至此已極天下安得不  
壞兩讞兩朔血性男子讀過當爲淚下而掩卷長嘆也

公座爭軋

崇禎帝差司禮監張彝憲總理工部時司空乏員侍郎高弘圖上言臣部衙門公座次序中則尙書傍兩侍郎禮也今又奉差總理似宜另設衙門臣部無兩尙書之理奉旨切責謂工部營造軍興重務彝憲總理正須日夕同堂官司查核料理豈容另設仍開

推諉弘圖又以體統禮制所關疏凡七上終格不允尋憲限日到任矣弘圖于兩日前修葺公座椅案髹以不乾之油漆二堂兩侍椅桌儼存其如不可以衣冠就手腕按何彝憲無奈于川堂後升座舊小椅桌無陪無侍一人獨到任焉弘圖于是削籍聲稱亦大著又寵用三科武舉陳啓新特授吏科給事中時掌科福建人顏繼祖上言吏科祖制諫臣七員其公座椅案亦七副無容增減從來新授科臣到任必共陪坐其間新舊座次必上頂其原缺從未有空位無敢越次祖制體統然也今科臣七人適又盈擠皇上欲添設一人到科合勅禮部撥制戶部發價工部差工造成椅桌一副啓新方得安身于科房從事奉旨舊套該部議奏而已若候三部奏覆啟新畢世不得入科宦心殷熱又聽班役慫恿冒昧而來繼祖七人先爲據坐無公案科廊甚窄無隙地啓新無奈聊取低臺馬櫬挨簷側座繼祖與六人俱正位面西談論不休啓新默坐半日無一人與接談長安中一時稱快此皆十年間事在陳啓新既登首垣自宜以軍國大政開談或參一大貪大奸之八座以見丰裁數日間噤舌寒蟬平素無積籌可知時爲祖陵地陷土坑嚴諭廷臣禁止宴會穿素服彼獨遵制不茹葷酒朝服煖耳俱以青布爲之然人

猶有嚴憚之意一日忽具目擊駭奏一疏謂今早入朝時當五鼓見科臣章正宸赴筵席散打恭上馬身備禁臣先爲不遵聖諭恣情酒食宜加處分以儆官邪旨則着某自行回話章正宸奏曰打恭上馬有也非席散送客飲酒一杯有也非赴筵款賓啓新但見微臣片時酒意而未審微臣從前之謹恪也臣量涓滴一杯竟醉臣心最小每當朝期五夜不寐趨朝太早知朝門未啓于素不識面之家竚立片時霜寒露冷之甚見桌上有酒偶飲一杯聞有環珮聲來待漏有人矣急趨出戶適遇啓新以實事告臣以實情奏兩無歉也但貪杯兩字臣不免耳奉聖旨姑免究自此以後爲滿朝人窺測底裡不過三家村伎倆與乳臭之識見帝實誤用天垣寵錫負乘貽羞後以匿喪拿究逃入海涯亡國而止

地壇社祭

壬午四月初行大社禮方澤在城北艮方先一月掃除十日前位置各當凡簠簋籩豆尊爵鼎鬯與笙磬鐘鼓俱用黃紗籠覆恐人指膩近染也薰沐處亦先十日試湯問禮之士縱往觀焉至期稅樓房于東華門外北大街初五日辰刻與觀盛事者束身登樓

肴核酒米衾褥器用件件齊備午未二刻坊官內官本城西臺于大房小房有戶通出入處悉緘紅封跨其兩楹門仍可啓名色也先三日正街兩傍五府撥禁軍戎裝執刀齊肩對立自大明門至地壇約三十餘里約用軍士六十萬中闕四丈爲街道稍有高低俱填平滿上復鋪細黃泥人不得行牆壁窓牖聖抹紅紙紅泥一切街巷術竇堆當戰車禁六畜行人藏樓上者爲小飲爲細語勅諭者高脚牌與口宣室主人不停囑也更初馬駕先過即太祖之神位樂器如民間噴呐以二十四馬駕輦而行執事人役皆紅笠軍帽隨後接踵舉朝之勛戚文武璫寺金吾燈光照曜擁嚷沸騰如浪奔潮湧順行向北無一逆行亦無一刻停止二更餘鹵簿大駕過矣萬火閃爍塵埃蒙混不甚辨五色欲觀駕者各養精蓄銳注閱回鑾就枕求寐街坊終宵喧鬧輿馬不歇初六黎明馬駕先回即灌以降即行徹旋廟朱鉞黃麾錦旗繡幢約千餘人少頃八象蹕跚而來霞帔被身寶帶圍腰大小明鏡垂懸項側背負酒金朱漆胡蘆巍然雅步故爲震蕩其音珊珊鏗鏘令人喝采以爲喜過此勢將極闢報入大內之飛騎如燕掠地刻過四五軍戎儀衛各爲飭戡坊官甲長復洒黃沙裨將騎逐叱戒轄屬兵丁侍立對偶凝儼端



肅如土範木粧千官百長介冑班行甲馬仗馬結隊鵠立各依位次各執器械旌旗辟易劍佩雍和黃金肘後白玉腰垂時旭光初出目力渴燥一物一事情與神會如山陰道上應接不暇也祇見自北而來者天樞地軸日幢月磨山旌海旆穀璧金精寶頂九簷深傘珠纓聯結璽繡聲呼悠遠節號綿長朱棍藤條之甲士提鈴喚號之紅軍介夾其間又龍旛鳳帶虎森豹尾青萍朱戟金鉞銀牙鐙杖骨朵响節儀鎗奚啻萬對人各捧一行行隊隊簇簇陣陣聲從履出氣從鼻息遙聞簫韶之奏中和之樂餘響先聞皆雜入耳筆其器而華其飾選其聲而選其人不知幾千百偶跨馬行奏過此皆爲宮扇方圓正側長短橫斜制度不一粉白玄青嫣紅閃綠色澤各別龍翔鳳舞梭織針繡至于日月鏤銘山河繪藻彪虬飛走仙佛離奇風雲聚會金片銀絲形變萬端工奇百換接見辟寒菡香諸具商彝周鼎金猊碧疊與夫獅犀兕雀供置尊崇几桌棒擗貴執寺璫雖未可云萬千而過目不了但見氤氳升天光浮燦爛觸鼻原非入腦聞馨絕不聞香此係外國貢獻又異方奇料合成者也至軍器特臨又作改觀弓弩劍戟明炫奪目復累千成隊集對多儀有云凡近鑾輿之斧鉞皆木質金裝以備美觀事未可知鼓聲